

Inatsisartut akitsuutit il.il. pillugit inatsisaasa ilaasa allanngortinnerat pillugu inatsisartut inatsisaat (Akileraaruserinerup qitiusumiit ingerlanneqalernerata kinguneranik allannguutit aamma nakkutilliinermut maleruagassat erseqqissaateqarfigineri)

§ 1

Nioqqutissanik eqqussuineq annissuinerlu pillugit Inatsisartut inatsisaanni nr. 18, 30. oktober 1992-imeersumi, Inatsisartut inatsisaatigut nr. 3, 13. maj 1993-imeersukkut, Inatsisartut inatsisaatigut nr. 3, 3. marts 1994-imeersukkut, Inatsisartut inatsisaatigut nr. 16, 3. november 1994-imeersukkut aamma Inatsisartut inatsisaatigut nr. 8, 6. november 1997-imeersukkut allanngortinneqartumi makku allannguutigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

2. § 24, atorunnaarsinnejarpooq.

3. § 29, imm. 1, imatut oqaasertaqassaaq:

"Suliffeqarfiiit umiarsuartigut timmisartutigullu angalasunik assartuussisartut, imaluunniit angalassissutip ingerlatitsusa, nakkutilliinerup suliarineqarnissaanut pisariaqartinneqarlutik paassisutissiinerit aamma takussutissiisinnaanermut pisussaaffeqartitsineq, matumani ilanngullugit angallassissutip suussusaanik paassisutissiissallutik, inuttat, ilaasut aamma taakku nassataasa nalunaarsorneqarnerinik paassisutissat aammalu usigisat pillugit paassisutissiinerit pisussaaffigivaat, taamatuttaarlu usiisiviit, init aammalu ilitsiviit takuneqarnissaannut, ammarneqarnissaannut iserfigineqarnissaannullu periarfissiissallutik. Akileraaruseriffiup eqqartuussivinit aalajangiinertaqanngitsumik takusaqarumalluni, ammaaqqusilluni imaluunniit tamakkua iserfigineqannginnissaanik peqqusilluni piumasaqarsinnaavoq taakkuninngalu misissuilluni".

4. § 29-imi, imm. 2-tut nutaatut ilanngunnejassaaq:

"Imm. 2. Imm. 1-imi suliffeqarfiiit taaneqartut aamma suliffeqarfiiit imm. 1-imi suliffeqarfinnik taaneqartunut ininik atuisinnaatisisut, akileraaruseriffiup sutigulluunniit peqqusineratigut

pisussaaffeqarput nakkutilliinermut atatillugu paasissutissanik pisariaqartinneqartunik sunilluunniit tunniussissallutik. Akileraaruseriffiup taamaasiornikkut piumasarisinnaavaa qarasaasiatigut paasissutissanik toqqaannartumik elektroniskiusunik takusaqarummalluni aallersinnaanissaminik". Imm. 2-miit imm. 4-mut tamatuma kingorna imm. 3-imuit imm. 5-inngussapput.

5. § 45 imatut oqaasertaqassaaq:

"**§ 45.** Kinaluunniit aalajangersakkani § 1, § 29, imm. 1, 2 aamma 4, § 30, imm. 1-imuit imm. 3-mut, § 32, imm. 2 aamma § 34-imi malinninngitsoq akiliisitsinikkut pineqaatissinnejqassaaq.

Imm. 2. Kinaluunniit § 29, imm. 5 malillugu peqqusummik malinninngitsoq akiliisitsinikkut pineqaatissinnejqarsinnaavoq".

6. § 33, § 34, § 36 aamma § 43 atorunnaarput.

§ 2

Nioqquqtiisanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, ilaatigut Inatsisartut inatsisaatigut nr. 10, 11. november 2000-imeersukkut aammalu kingullermik Inatsisartut inatsisaatigut nr. 13, 7. november 2003-meersukkut allanngortinneqartumi makku allannguutigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

2. § 1, imm. 1, nr. 21, *litra e-mi*, aamma § 1, imm. 1, nr. 26, *litra e-mi*: "2 pct." allanngortinneqarpoq ima: "1 pct."

§ 3

Pappiaqqanik nalilinnik naqissusiinermi akitsuut pillugu Inatsisartut inatsisaanni nr. 8, 31. oktober 1987-imeersumi, ilaatigut Inatsisartut inatsisaatigut nr. 14, 30. oktober 1992-imeersukkut allanngortinneqartumi, aamma kingullermik Inatsisartut inatsisaatigut nr. 2, 20. maj 1998-imeersukkut allanngortinneqartumi makku allannguutigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

2. § 22a aamma § 23, imm. 3 aamma 4 atorunnaarsinnejqarput.

§ 4

Eqquiniaasitsinermi akileraarutit pillugit Inatsisartut inatsisaanni nr. 7, 31. oktober 1987-imeersumi, ilaatigut Inatsisartut inatsisaatigut nr. 5, 9. april 1992-imeersukkut allanngortinneqartumi, Inatsisartut

inatsisaatigut nr. 3, 12. juni 1995-imeersukkut aamma kingullermik Inatsisartut inatsisaatigut nr. 4, 27. marts 2006-imeersukkut allanngortinneqartumi makku allannguutigitinneqarput:

1. § 3, imm. 1-imi aamma 2-mi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

2. § 3, imm. 5 atorunnaarsinneqarpoq.

§ 5

Umiarsualivimmiiinnerut aamma umiarsuit takornarianik angallassissutit ilaasunik angallassinerannut akileraarutit pillugit Inatsisartut inatsisaanni nr. 20, 30. oktober 1992-imeersumi, kingullermik aamma Inatsisartut inatsisaatigut nr. 3, 27. marts 2006-imeersukkut allanngortinneqartumi makku allannguutigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

2. § 7, § 8 aamma § 9 atorunnaarsinneqarput.

§ 6

Qamutit motoorillit akileraarutaat pillugit Inatsisartut inatsisaanni nr. 3, 16. juni 1987-imeersumi, kingullermik aamma Inatsisartut inatsisaatigut nr. 7, 11. november 2004-meersukkut allanngortinneqartumi makku allannguutigitinneqarput:

1. § 6, imm. 1-imiit 3-mut oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

§ 7

Aningaasanik ikisilluni pinnguaatinut akileraarut pillugu Inatsisartut inatsisaanni nr. 3, 17. maj 1990-imeersumi, kingullermik aamma Inatsisartut inatsisaatigut nr. 15, 7. november 2003-meersukkut allanngortinneqartumi makku allannguutigitinneqarput:

1. § 14, imm. 2-mi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

§ 8

Raajanut akitsuutit pillugit Inatsisartut inatsisaanni nr. 20, 25. oktober 1990-imeersumi, kingullermik aamma Inatsisartut inatsisaatigut nr. 19, 11. december 2003-meersukkut allanngortinneqartumi makku

allanngutigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

2. § 10, imm. 1-im peerneqarpoq:

", § 8, imm. 2 naapertorlugu pillaatitut ernialiunneqarsinnaasut ilanngullugit,".

3. § 8, imm. 2, § 10, imm. 2-miit 4-mut, § 11, § 12 aamma § 13, atorunnaarsinneqarput.

4. § 15, imm. 1-im peerneqarpoq:

"kiisalu akitsummut akiliinngitsoortitsisinnaallutik imaluunniit annikilliliisinnaallutik, pissutsit immikkut illuinnartut tamanna pisariaqartippassuk".

5. § 16 aamma § 17 atorunnaarsinneqarput.

§ 9

Pisassat akileqquneqartarnerannik akiliisitsiniartarnermillu kommunit suleqatigiinnerat pillugu
Inatsisartut inatsisaanni nr. 4, 12. maj 2005-imeersumi makku allanngutigitinneqarput:

1. Inatsimmi tamarmi oqaaseq: "Akileraartarnermut Pisortaqarfik" allanngortinneqarpoq ima: "akileraaruseriffik".

§ 10

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut
inatsisaanni nr. 3, 2. maj 1996-imeersumi, Inatsisartut inatsisaatigut nr. 3, 12. maj 2005-imeersukkut
allanngortinneqartumi makku allanngutigitinneqarput:

1. § 5 imatut oqaasertalerneqarpoq:

"**§ 5.** Akileraarutinut akiliutaavallaarsimasut utertinneqarneranni kommunit utertitsivigineqartup
akileraarutinut, utertitassanngorlugit ikorsiissutinut, pilersuisussaatitaanermut akilersuutinut
siumoortumik tunniunneqartartunut aammalu kommunit inuussutissarsiutitigut suliffeqarfinnut
aniaasatigut attartortissimasaannut akilerneqartussangoreersimagaluartunut akiligassarisaanut
naapertuutnik ilanngartuisinnaatitaapput.

Imm. 2. Akileraaruseriffiup ilanngartuisoqarsimanera akileraartartumut nalunaarutigissavaa."

2. § 9-imi "Akileraartarnermut Pisortaqarfip" allanngortinneqarpoq ima: "akileraaruseriffiup".

§ 11

Inatsisartut inatsisaat 1. januar 2007-imi atortuulissaag.

Namminersornerullutik Oqartussat, ulloq 2. november 2006

Hans Enoksen

/

Josef Motzfeldt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut